

華東民俗文獻 第十五卷

中國華東文獻叢書



中國華東文獻叢書·第四輯

華東民俗文獻

第十五卷

甘肅省古籍文獻整理編譯中心
中國華東文獻叢書編輯委員會 編

甘肅省古籍文獻整理編譯中心重大整理項目

本輯主編：田兆元

本輯副主編：吳平 李善強

參加編輯人員：雷偉平 楊茜 吳麗麗 馬佳

王菲 劉捷 姜南 陳文軍

饒曉敏 楊曼 錢婷婷

本卷目錄

永嘉聞見錄	〔清〕孫同元撰		〇〇三
越咏	〔清〕周調梅撰		二八五

【清】孫同元撰

永嘉聞見錄

〔清〕孫同元撰。《永嘉聞見錄》記載了衆多温州風俗，具有很重要的文化意義，對研究温州風俗有重要的史料價值和文獻價值，是了解温州地方文化的珍貴參考書目。本書選用的是光緒戊子初夏刻本。

永嘉聞見錄

光緒戊子初夏
孫
學老人孫衣言署

道光癸卯予視學之江蘿邨學使語予曰永嘉學博
孫君兩人砥行厲名耆年篤學君子人也予心志之
而未之識踰年秋君以三次秩滿待驗至省接其言
論粹如溫如出其先人怡谷侍御箸書若干種爲贈
益知君稟印庭訓學有淵原意必能俛焉孳孳紹承
家業如少翁之於長孺小同之於康成也今歲二月
校士東甌君以所箸永嘉聞見錄示予蓋將以備方
隅之紀載竢輶軒之采獲其用心可謂虔矣觀其攬
撫墜簡辯章舊聞稽山川之形勢攷解宇之廢興訪

殘碣以正傳譌蒐佚事以存故蹟旁及天時物產萌俗方言靡不鉅覘兼呈旁羅附益廣記而備言之蓋君貧籛雲之姿婁躋昆躋銓除冷官箸饌自娛優游於海濱鄒魯二九載矣久於其官則致力也博習於其地則網聞也富鏤而不舍實事求是信而有徵以俟來哲則是編也非一家之言迺一邑之書亦一郡之書也攷郡志輯於乾隆庚辰數十年間或革或因宜損宜益脩明之任責在司牧誠卽此書推而廣之張而相之以徵是邦之文獻裨舊志之闕漏則稽

鏡之資於是焉在予故泚筆而樂爲之序乙巳季春
吳鍾駿撰

此錄多可資攷證處佳書也永嘉之學盛於南宋近
乃鮮有博學多聞之士若采輯力學軼事以風勸邦
人亦教化之一端也新城陳用光識

永嘉聞見錄序

甌郡浙東一大都會也壬寅夏余忝守來甌竊見山川風物終古如斯至人材薈萃著作繁興古今人恆不相及又聞故老相傳數十年來民俗奢靡信巫尙鬼踵事增華往往誌乘所未載心甚惑之迨孫君雨人以永嘉聞見錄相示乃得悉其詳焉孫君以名孝廉司訓永嘉歷年且久嘗以考古之餘網羅遺佚訪容成之故迹溯雁蕩之游蹤觴詠流連無足論矣一二殘碑斷碣必摩挲其下親考識之至一名一物之

微亦詳稽曲證折衷至當蓋嗜古好奇之志至老不衰豈徒誇其博聞殫見與抑豈無關於世道人心之大者與夫忠孝節義之事湮沒不彰者多矣學校之制風教之變郡邑之盛衰係焉有心人所爲慨文獻之闕殘也今於耳目所及援古證今考訂得失所謂書缺有聞而其佚乃見他說者固非好學深思之士不能道耳且觀風問俗修葺志乘守土者責也余下車伊始蒐兵簡械日事防禦茲雖海氛已息而簿書紛擾又無暇畱心掌故自惟固陋有志未逮焉昔承

嘉教諭勞公大與著甌江逸志多爲郡志所錄迄今
距修志之時又幾八十年孫君以聞見所得彙集成
書他日者重修地志廣採博收驗土物之盈虛問謠
俗之沿革必將以是書爲徵信也夫爰爲之序而歸
其帙元和蔡嘉玉